

մենչեւիկները քաղաքականութիւնն են հետապնդում վերահայ ազգային փոքրամասնութեան հանդէպ :

Թէ այս քաղաքականութեան ողին որքան դժուար է այսօրուայ Վրաստանում, այդ մասին կարելի է դադարաբար մը կարծել եւ հետեւեալ փաստերից, որ անցողակի յիշատակում ենք :

Վերջին ժամանակներս Վրաստանի կառավարութիւնը ծրագրել էր ախալքալակցիները հետ հայերէն լեզուով յարաբերութիւններ պահել: Չգիտենք, թէ այս մտադրութեան մէջ ի՞նչն է դերակցում. արդեօք ուսաց լեզուն, — որով մինչեւ վերջերս յարաբերութիւն էր պահւում — չըջարեութիւնից հանելու ցանկութիւնը, թէ՞ ախալքալակցիների հայրենաձիգ տրամադրութիւնները մեղմացնելու միտումը: Սակայն, դիտենք, որ վրաց կոմունիստներն այնպիսի վայնասուն բարձրացրին այս նորմուծութեան դէմ, որ կառավարութիւնը, չմած, խօսք էքր դտնում իր ծրագրերը պաշտպանելու համար:

Մի ուրիշ նմոյշ է հանդիսանում Թիֆլիսի պարագան:

Ընթերցողը գիտէ արդէն, որ Ժորդանիայի կառավարութեան օրհնութեամբ, վրացիք, 1919-ի բռնի եւ արհեստական ընտրութիւններով, ասպարէզից քշեցին հայերին եւ «ազգայնացրին» Թիֆլիսի ինքնավարութիւնը, թէեւ նրանք այդ քաղաքի ազգաբնակչութեան հազիւ մի քառորդն էին կազմում: Այսօր էլ վրաց բուլճեւիկները արդոսեան աչքերով հետեւում են, որ ոչ մի «աւելորդ» հայ ներս չթափանցի քաղաքային գործերի մէջ: Գժբախտաբար, չեմ կարող ասել, թէ այժմս Թիֆլիսի ազգային հատուածները ի՞նչ համեմատութեամբ են ներկայացուած քաղաքային ինքնավարութեան մէջ: Սակայն, 1923-ին պատկերը հետեւեալն էր. Գործադիր Սորճրդում վրացիք կազմում էին 43%, հայերը՝ 17%, մնացած ազգութիւնները՝ 40%: Գալով Գործադիր Կոմիտէին՝ նրա 36 անդամից 27-ը վրացի էին, 4-ը հայ, 3-ը ուս, 1-ը թաթար եւ 1-ը հրէայ: Աւելի եւս յատկանշական էր Գործադիր Կոմիտէի նախագահութեան պատկերը. նրա 11 ան-

դամից 10-ը վրացի էին եւ մի հատը՝ կարմիր բանակի ներկայացուցիչը՝ ուսու... Չնայած այս պերճախօս թուերին՝ Բուլճօ Մտիվանին եւ իր համախոհներն այն ժամանակ այնպիսի հաւար էին բարձրացրել «հայկական ներխուժման» դէմ, որ անգամ Օրջոնիկիձէն հարկ համարեց, Կոմկուսի 12-րդ Համագումարում, նրանց սանձը քաշել\*... .

Եթէ այս մասնակի դէպքերից անցնենք վերահայ ժողովրդի ընդհանուր տրամադրութեանը՝ այնտեղ էլ կը տեսնենք նոյն ճնշուածութիւնը, ինչ որ կար առաջ, Վրաստանի անկախութեան օրերին: Մի կողմ թողած վրաց բուլճեւիկների կազմակերպած թալանը, որին ենթարկուեցին եւ ենթարկուում են շարունակ հայերը աւելի մեծ չափերով, քան վրացիները՝ նրանց մէջ բովանդակ ծաւալով մնում է այն ծանր դժգոսումն, որ իրենք հանդուրժում են միայն Վրաստանում եւ ոչ թէ նկատուում իբրեւ իրաւատէր քաղաքացիներ:

Անկախ իր կամքից՝ այս դժգոսման արդարացիութիւնն էր ապացուցանում անցեալ թէ նախանցեալ տարի վրաց կոմունիստներից մէկը՝ պաշտօնական մի ժողովում բացականչելով.

«Մարքսն ասել է. պրոլետարներ բոլոր երկրների միացէք: Բայց նա չէ ասել, որ հայերը բոլոր երկրներից հաւաքուեն Վրաստան»:

Ի հարկէ, վրացի կոմունիստը շատ լաւ գիտէր, որ բարեբախտաբար հայերն այլեւս չեն հաւաքում Վրաստան: Նրա խօսքը վերաբերում էր արդէն Վրաստանում գտնուող վրահայ ժողովրդին եւ խօսքն այն իմաստն ունէր, որ այդ ժողովուրդը պէտք է հեռանայ այնտեղից: Այսինքն՝ նա սրախօսութեան ձեւով արտայայտում էր նոյն պահանջը, ինչ որ մի ժամանակ բացայայտ կամ քողարկուած ձեւով առաջադրում էր վրաց ազգայնականների եւ մենչեւիկների կողմից:

Չարմանալի կը լինէր, եթէ Վրաստանի հին եւ նոր վարիչների կողմից մօտ տասը տարի հրահրուող հակահայկական տրամադրու-

\* ) Տե՛ս «Պրաւդա» 1923 թ. 26 Ապրիլ, թիւ 91: